



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 2. An, quando 50. v.g. vel 100. aurei in testamento legantur, quorum  
valor tempore mortis Testatoris extrinsecè imminutus est, præstandus  
tunc sit, & attendendus valor, quem aurei habeant tempore ...

**urn:nbn:de:hbz:466:1-41144**

Si prius credit, Barbara famula tunc tuta conscientia & 40, adipisci potest, & decem alios non reddere; quia illos voluntate Domini liberali, & remittente retinet, quamvis non sit voluntas verbis expressa, & patefacta; qui enim justa, & recta voluntate Domini, etiam tacita, quidpiam accipit, aut retinet alienum, ex communi DD. sententia fur non est. Insuper si hæc famula, aut propter sua in herum officia, & obsequia, aut propter mutuam benevolentiam, bonâmque diu perspectam voluntatem nequidquam dubitet, herum suum ablatam illam pecuniam concessurum esse, si rogâisset, de ea restituenda anxia esse non debet, quia jure & assensu Domini censenda est eam possidere: immo quoniam servi, & ancillæ non solent, quæ sibi à Domino legantur, imminuere, sed potius, ut augeantur, optare, & rogare, quæ consuetudo non latet ipsos Dominos, inde valde verisimile est, hujus famulæ herum facile suspicari potuisse ob aliquam compensationem rei, quæ sibi à famula deberetur, Legati diminutionem postulatam esse. Quæ pro foro interno poterunt Confessario deservire, ut non facile famulam ad restitutionem compellat, præsertim cùm penes ipsam fuerit, facere, ut decem illi aurei essent & manerent in corpore hæreditatis, vel non; ut adeò hæres non censeatur re ipsa dam-

num aliquod pati, quod non passus fuisset, nisi famulæ propositionem sic restituendi, & voluntas Legatum sic minuendi præcessisset.

Ad 2. Q. Videtur Legatum per 186 solvendum secundum eum aurei valorem, quem habebat tempore mortis Testatoris, quia, cùm Testamentum robur, & firmitatem non habeat, nisi à morte Testatoris, l. Testamentum 1. ff. qui Testam. fac. post. Legatum quoque perfectum non videtur, antequam Testator decesserit. l. si fundus 28. ff. quando dies Legat. Verum

Dicendum est cum Abb. in c. o. lim. 20. h. 1. n. 4. Panormitan. cap. quanto de jurejur. Fagnan. c. olim citr. h. 1. n. 9. & 10. Joan. Andr. in addit. ad speculum. Pirk. hîc n. 25. Wiestn. n. 40. Schmalzgr. hîc n. 42. aliisque præstandum esse valorem, quem aurei habuerunt tempore conditi testamenti, id quod patet ex l. fita 7. ff. de aur. arg. & l. Uxorem. §. de testam. ff. de leg. 3. Et ratio ulterior est, quia Testator, si aliud non exprimit, censetur legare habito respectu ad patrimonium, quod habet eo tempore, quô, condito testamento, de eo disponit, & secundum eam pecuniaæ estimationem, & valorem, qui erat in civilibus commutationibus, usu, ac commercio tunc, quando Testamentum condebatur, & Legatum relinquebatur, atque adeò secun-

secundum valorem tunc praesentem, & non postea futurum. Ex quo patet responsio ad rationem in oppositum.

& teste Wiesltn. h̄c n. 31. communis TT. & Canonistarum consensus, qui affirmant in eo casu attendendum esse tempus contractus, non solutionis, adeoque solutionem exhibendam esse in moneta antiqua, vel si talis non extet, aut haberi nequeat, secundum valorem, & estimationem illius in moneta currente; modò solutioni monetæ antiquæ non sit præscriptum per solutionem monetæ novæ. Id, quod probantum ex cap. olim citt. tum ex cap. cum Canonic. citt. tum ratione; quia Justitia Commutativa postulat, ut in omni debito pecuniario id præstetur, quod in obligationem deductum est; atqui in obligationem deductâ censetur præstatio pecuniæ ejusdem bonitatis, & ponderis, cuius erat tempore obligacionis impositæ, vel contractæ juxta l. cùm quid 3. ff. de reb. credit. ergo. Quam sententiam communissimam DD. pronuntiat Laym, i. e. Contraria tamen opinio, quæ docet in eo casu solutionem præstandam esse in moneta currente secundum ejus valorem præsentem, non solum non est improbabilis, sed eam plurium Provinciarum, & nominatim Bavariæ, usu receptam esse, testantur Wieslm. & Schmalzgr. h̄c n. 3. quam amplectuntur Menoch. conf. 49. n. 38. vers. his constat. Gonzal. in c. 26. b. t. n. 6. Ludov. Raman. Ant. Faber, & alii. Unde patet etiam responsio ad 2. membr. Q. 2.

Bb 3

Ad